



**D<sup>a</sup>. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión extraordinaria do 9 de abril de 2020**, adoptou o seguinte acordo:

**5.- INFORME SOBRE O IMPACTO NA CONTRATACIÓN MUNICIPAL DA NORMATIVA DITADA PARA XESTIONAR A CRISE DERIVADA DO COVID-19. EXPTE. 6446/241.**

Dáse conta do informe-proposta de data 03/04/2020, asinado pola xefa do Servizo de Contratación e a concelleira-delegada de Área, que di o seguinte:

**NORMATIVA DE APLICACIÓN**

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en adiante LCSP).
- Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP).
- Real Decreto 1098/2001, de 12 de outubro, polo que se aproba o Regulamento xeneral da Lei de contratos das administracións públicas (RLCAP).
- Lei 7/1985, de 2 de abril, reguladora das bases do réxime local (LBRL).
- Real Decreto Lexislativo 781/1986, de 18 de abril, texto refundido das disposicións legais vixentes en materia de réxime local (TRRL).
- Lei 5/1997, de 22 de xullo, de Administración Local de Galicia (LALGA).
- Real Decreto 463/2020, de 14 de marzo, polo que se declara o estado de alarma para a xestión da situación de crise sanitaria ocasionada polo COVID-19, modificado polo Real Decreto 465/2020, de 17 de marzo (RD 463/2020).
- Real Decreto-lei 8/2020, de 17 de marzo, de medidas urxentes extraordinarias para facer fronte ó impacto económico e social do COVID-19 (RDL 8/2020).
- Real Decreto-lei 10/2020, de 29 de marzo, polo que se regula un permiso retribuído recuperable para as persoas traballadoras por conta allea que non presten servizos esenciais, co fin de reducir a mobilidade da poboación no contexto da loita contra o COVID-19 (RDL 10/2020).
- Real Decreto-lei 11/2020, de 31 de marzo, polo que se adoptan medidas urxentes complementarias no ámbito social e económico para facer fronte ao COVID-19 (RDL 11/2020).
- Resolucións da Alcaldía do Concello de Vigo de 12, 13, 14, 15, 16, 17, 18, 19, 20, 21, 22, 23, 24, 25, 27, 28 e 30 de marzo de 2020.



Copia auténtica - Concello de Vigo	Data impresión: 13/04/2020 11:23	Páxina 1 de 10
Expediente 6446/241	CSV: 2EEDEE-4BAA3H-375788-ZTSKCT-2GXUH7-1E	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

## ANTECEDENTES

A crise sanitaria xerada pola pandemia do coronavirus COVID-2019 provocou a adopción de numerosas normas ditadas polas diferentes administracións territoriais, Estado, Comunidade autónoma de Galicia e Concello, adoptando medidas para superala.

O Real Decreto 463/2020, de 14 de marzo, declara o estado de alarma para xestionar esta crise. Posteriormente, o Real Decreto-lei 8/2020 establece medidas para facer fronte o impacto económico e social da crise no estado español. Este último é complementado e modificado polo Real Decreto-lei 11/2020.

A Alcaldía do Concello de Vigo, ditou, así mesmo, numerosas resolucións adoptando medidas para superar a crise xerada polo COVID-19.

No presente informe vamos a analizar o impacto destas medidas na contratación municipal, e tratar de establecer unhas pautas de actuación de carácter xeral. Ilo con independencia de que en cada caso concreto sexa preciso analizar a aplicación desta normativa ó mesmo.

## FUNDAMENTOS XURÍDICOS

-I-

### REPERCUSIÓN DA DISPOSICIÓN ADICIONAL 3º DO RD 463/2020 NA CONTRATACIÓN MUNICIPAL

O RD 463/2020 na súa disposición adicional terceira, impón, con carácter xeral, a suspensión dos termos e a interrupción dos prazos de todos os expedientes administrativos. Con carácter previo á análise da repercusión desta norma na contratación municipal, a reproduciremos, na súa redacción resultante da modificación polo RD 465/2020:

*“1. Se suspenden términos y se interrumpen los plazos para la tramitación de los procedimientos de las entidades del sector público. El cómputo de los plazos se reanudará en el momento en que pierda vigencia el presente real decreto o, en su caso, las prórrogas del mismo.*

*2. La suspensión de términos y la interrupción de plazos se aplicará a todo el sector público definido en la Ley 39/2015, de 1 de octubre, del Procedimiento Administrativo Común de las Administraciones Públicas.*

*3. No obstante lo anterior, el órgano competente podrá acordar, mediante resolución motivada, las medidas de ordenación e instrucción estrictamente necesarias para evitar perjuicios graves en los derechos e intereses del interesado en el procedimiento y siempre que éste manifieste su conformidad, o cuando el interesado manifieste su conformidad con que no se suspenda el plazo.*

*4. Sin perjuicio de lo dispuesto en los apartados anteriores, desde la entrada en vigor del presente Real Decreto, las entidades del sector público podrán acordar motivadamente la continuación de aquellos procedimientos administrativos que vengan referidos a*



Copia auténtica - Concello de Vigo

Data impresión: 13/04/2020 11:23

Páxina 2 de 10

Expediente 6446/241

CSV: 2EEDEE-4BAA3H-375788-ZTSKCT-2GXUH7-1E

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



*situacións estrechamente vinculadas a los hechos justificativos del estado de alarma, o que sean indispensables para la protección del interés general o para el funcionamiento básico de los servicios.*

*5. La suspensión de los términos y la interrupción de los plazos a que hace referencia en el apartado 1, no será de aplicación a los procedimientos administrativos en los ámbitos de la afiliación, la liquidación y la cotización de la seguridad social.*

*6. La suspensión de los términos y la interrupción de los plazos administrativos a que se hace referencia en el apartado 1 no será de aplicación a los plazos para la presentación de declaraciones y autoliquidaciones tributarias.”*

Como se pode apreciar, esta norma impón, como **regra xeral**, a **suspensión dos termos e a interrupción dos prazos de todos os expedientes administrativos**. Se ben excepcionalmente permite acordar **medidas de ordenación e instrución** (apartado 3) sempre que:

- Sexan estritamente necesarias para evitar prexuízos graves nos dereitos e intereses do interesado no procedemento, se este manifesta a súa conformidade.
- Se acorde en resolución motivada.

Establece dúas **excepcións** a esta regra xeral de suspensión de termos e prazos:

- Procedementos administrativos nos ámbitos da afiliación, a liquidación e a cotización da seguridade social (apartado 5).
- Prazos para a presentación de declaracións e autoliquidacións tributarias (apartado 5).

En consecuencia, podemos afirmar que **os prazos relativos ós procedementos de contratación están suspensos**, con excepción das medidas de ordenación e instrución citadas.

No entanto, esta mesma norma permite as entidades pertencentes ó sector público **acordar a continuación de determinados procedementos**, sempre e cando se cumpran os seguintes requisitos:

- Que se adopte un acordo expreso e motivado levantando a suspensión.
- Que se trate de procedementos administrativos nos que conorra algunha das seguintes circunstancias:
  - a) Que teñan un so interesado e este manifesta a súa conformidade a que non se suspenda o prazo (apartado 3).
  - b) Que se refiran a situacións estreitamente vinculadas ós feitos xustificativos do estado de alarma (apartado 4).
  - c) Que sexan indispensables para a protección do interese xeneral (apartado 4).
  - d) Que sexan indispensables para o funcionamento básico dos servizos (apartado 4).

Resulta pois necesario analizar nos diferentes tipos de procedementos de contratación, e segundo a fase na que se atopen, se procede, ou non, que o órgano de contratación poida levantar a suspensión e se continúe coa tramitación do expediente, sempre, claro está, que se acredite que concorre algunha das circunstancias citadas no parágrafo anterior.



A estes efectos diferenciaremos entre os contratos en adxudicación e os contratos en execución.

A súa vez, no procedemento de adxudicación dos contratos distinguiremos as seguintes fases:

- Actuacións administrativas preparatorias: o expediente de contratación.
- O procedemento de adxudicación: que comenza coa convocatoria da licitación, segue coa presentación de ofertas polos licitadores, a súa valoración e a selección da oferta con mellor relación calidade-prezo por parte da Administración, finalizando coa adxudicación do contrato.
- A formalización do contrato.

É preciso por de manifesto que preside o presente análise o principio de intentar manter a actividade administrativa na medida do posible, sempre que ilo non prexudique os dereitos e intereses lexítimos dos administrados que reúnan a condición de interesados nos procedementos de contratación. Así, dadas as circunstancias concorrentes:

- Que a plantilla do Concello continúa prestando o seu traballo en modalidade de teletraballo, e resulta aconsellable manter a actividade administrativa na medida do posible, en aras de evitar a paralización da Administración. Non esquezamos que é un principio fundamental de organización da mesma o servizo ó interese público.
- Que é preciso intentar continuar coa actividade para coadyuvar ó mantemento do emprego tanto no eido das empresas contratistas desta Administración como en xeral, tal e como se dispón no punto 4º da Resolución da Alcaldía do Concello de Vigo de 27 de marzo de 2020.
- Que se esta situación se dilata no tempo será imposible cumprir coa programación anual en contratación aprobada pola Xunta de Goberno Local en data 27 de decembro de 2019, o cal faría imposible garantir a prestación dos servizos competencia desta Administración.

Parece aconsellable que naquelas actuacións de carácter interno que non haxa terceiros interesados se levante a suspensión. E cando si existan estes terceiros, deberá analizarse caso por caso a conveniencia de levantar ou non a suspensión, esixindo como requisito previo á adopción do acordo de levantamento da suspensión, a previa conformidade dos mesmos, que deberá constar fehacientemente acreditada no expediente.

## A. CONTRATOS EN ADXUDICACIÓN

### 1.- Procedementos de contratación en fase de actuacións administrativas preparatorias

A priori, os prazos para a tramitación do expediente de contratación están suspensos. Máis, esta fase é de carácter interno e non existen terceiros interesados ós que se poida prexudicar nos seus dereitos e intereses lexítimos de acordarse o levantamento da suspensión.

Parece, en consecuencia, que o máis adecuado sería propoñer ó órgano de contratación que acorde o levantamento da suspensión da tramitación dos expedientes de contratación.

### 2.- Contratos en fase de adxudicación



Copia auténtica - Concello de Vigo

Data impresión: 13/04/2020 11:23

Páxina 4 de 10

Expediente 6446/241

CSV: 2EEDEE-4BAA3H-375788-ZTSKCT-2GXUH7-1E

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



#### a) Presentación de ofertas:

Os prazos de presentación de ofertas enténdense suspendidos automaticamente.

O servizo de contratación procedeu a publicar o día 16 de marzo de 2020 no perfil de contratante aloxado na Plataforma de contratos do sector público un anuncio xenérico de suspensión de prazos, así como anuncios específicos nos procedementos que se atopaban nesta fase.

Unha vez que finalice o estado de alarma reanudarase o prazo de presentación de ofertas, no momento no que se atopaban no intre da suspensión, agás que o órgano de contratación acorde expresamente ampliar os prazos ou inicialos de novo.

Finalizado o estado de alarma publicarase anuncio na plataforma indicando a reanudación dos prazos de presentación de ofertas.

#### b) Valoración e clasificación de ofertas

Os **prazos de emisión de informes de valoración de ofertas** solicitados pola Mesa de contratación ós técnicos municipais poderían reanudarse con carácter xeral pois son prazos internos que non prexudican a terceiros interesados.

Unha vez emitidos os informes, podería convocarse á Mesa de contratación, para o seu exame, e no seu caso, aprobación.

#### c) Adjudicación

Con carácter xeral están suspendidos os **prazos de presentación da documentación esixida o primeiro clasificado** por canto existen terceiros interesados (os demais licitadores). Se ben, ó tratarse de terceiros individualizados, se as empresas clasificadas manifestasen a súa conformidade, sería posible continuar cos trámites aludidos.

Se fose así, podería convocarse á Mesa de contratación, para examinar a documentación achegada polo primeiro clasificado, e formular a proposta de adjudicación ó órgano de contratación.

O levantamento da suspensión do prazo de acordar a adjudicación do contrato polo órgano de contratación deberá decidirse caso por caso, analizando se concorren ou non as excepcións citadas. Interpretación sostida pola Junta Consultiva de Contratación Pública do Estado, na súa nota informativa de *"Interpretación de la Disposición adicional tercera del Real Decreto 463/2020, de 14 de marzo, por el que se declara el estado de alarma para la gestión de la situación de crisis sanitaria ocasionada por el COVID- 19, en relación con las licitaciones de los contratos públicos"*.

### 3.- Formalización



Hai que entender suspendido o **prazo de formalización do contrato**. Exceptúanse os procedementos que xa estivesen adxudicados no momento de decretarse o estado de alarma e en condicións de formalizarse, nos que o órgano de contratación poderá autorizar, co consentimento do adxudicatario, a formalización do contrato se se tratase dun contrato no que concorran as circunstancias previstas nos apartados 3 e 4 da disposición adicional 3ª.

## B. CONTRATOS EN EXECUCIÓN

Compre aclarar con carácter previo que o Real Decreto-lei 8/2020, de 17 de marzo, de medidas urxentes extraordinarias para facer fronte ao impacto económico e social do COVID-19, no seu artigo 34, modificado polo RDL 11/2020, que regula medidas en materia de contratación pública, determina que contratos en execución están suspendidos, total o parcialmente (apartado 1), os supostos nos que se pode solicitar a suspensión da execución (obras, apartado 3) e que contratos non se poden suspender (apartado 6). Esta norma así mesmo regula outras cuestións como as prórrogas extraordinarias dos contratos de servizos e subministración, a non imposición de penalidades ó contratista que incorrese en mora por mor das circunstancias relativas á situación xerada polo COVID-19 e a non consideración da suspensión dos contratos como causa de resolución.

Hai que ter en conta que o RDL 10/2020 regula un permiso retribuído recuperable, de carácter obrigatorio, entre o 30 de marzo e o 9 de abril de 2020, aplicable a todos os traballadores agás os previstos no artigo 1.2. Na súa disposición adicional quinta regula a situación do persoal de empresas adxudicatarias de contratos de obras, servizos e subministracións do sector público. Do mesmo dedúcese, a senso contrario, que é aplicable a este persoal agás que se trate traballadores de empresas adxudicatarias de contratos que sexan indispensables para o mantemento e seguridade dos edificios e a adecuada prestación dos servizos públicos. A aplicación desta norma pode acarrexar en moitos casos a suspensión de facto da execución dos contratos públicos agás as excepcións citadas.


### a.- Contratos suspendidos:

Atópanse nesta situación os contratos públicos de servizos e de subministracións de prestación sucesiva, de concesión de obras e de concesión de servizos vixentes á súa entrada en vigor, cuxa execución debeña imposible como consecuencia do COVID-19 ou das medidas adoptadas polo Estado, as Comunidades Autónomas ou a Administración local para combatelo. A suspensión pode ser total o parcial.

Para a súa declaración se esixe que os contratistas soliciten do órgano de contratación a declaración da imposibilidade de cumprimento con motivo da crise do COVID-19.

Unha vez presentada a solicitude polo contratista, o responsable do contrato deberá informar, no prazo de dous días hábiles, sobre a existencia, ou non, da imposibilidade, e o servizo de Contratación formulará a correspondente proposta ó órgano de contratación. O acordo deberá emitirse no prazo dos 5 días seguintes á presentación da solicitude.

### b.- Contratos nos que o contratista pode solicitar a suspensión:

	Copia auténtica - Concello de Vigo	Data impresión: 13/04/2020 11:23	Páxina 6 de 10
	Expediente 6446/241	CSV: 2EEDDEE-4BAA3H-375788-ZTSKCT-2GXUH7-1E	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



O contratista pode solicitar a suspensión dos contratos públicos de obras, vixentes á súa entrada en vigor que non perderon a súa finalidade como consecuencia da situación de feito creada polo COVID-19, cando esta situación xere a imposibilidade de continuar a execución do contrato.

#### **c.- Contratos cuxa execución non poida suspenderse:**

- Contratos de servizos ou subministración sanitaria, farmacéutico ou doutra índole, cuxo obxecto estea vinculado coa crise sanitaria provocada polo COVID-19.
- Contratos de servizos de seguridade e limpeza, excepto que se como consecuencia das medidas adoptadas polo Estado, as Comunidades Autónomas ou a Administración local para combater o COVID 19, algún ou varios dos edificios ou instalacións públicas obxecto do contrato quedaran cerrados total o parcialmente devindo imposible a execución. Neste caso poderase declarar a suspensión total ou parcial do mesmo.
- Contratos de mantemento de sistemas informáticos.
- Contratos de servizos ou subministración necesarios para garantir a mobilidade e a seguridade das infraestruturas e servizos de transporte.
- Contratos adxudicados por aquelas entidades públicas que coticen en mercados oficiais e non obteñan ingresos dos Orzamentos Xerais do Estado.

#### **C.- MODIFICACIÓN DOS CONTRATOS**

Con respecto á modificación dos contratos é necesario distinguir entre a modificación dos contratos en execución non suspendidos e os que si o están.

- Os contratos en execución non suspendidos poderán modificarse consonte ás regras xerais previstas na LCSP, posto que as normas ditadas para regular o estado de alarma non fan relación a modificación dos contratos públicos.
- Os contratos cuxa execución está suspendida con carácter xeral, en principio non poderán modificarse. Máis consonte o criterio mantido ó longo deste informe de manter a actividade administrativa na medida do posible, de mediar o consentimento dos interesados no procedemento poderá levantarse a suspensión e continuarse coa tramitación do procedemento.

#### **D.- CESIÓN**

Dado que na cesión os interesados son unicamente o cedente e o cesionario, e esta tramitase á solicitude do cedente e mediando o consentimento do cesionario, poderá levantarse a suspensión e acordarse polo órgano de contratación a cesión do contrato.

#### **E.- RESOLUCIÓN**

Poderá tramitarse a resolución dos contratos en execución que non se atopen suspensos sempre e cando medie o acordo do contratista.

#### **F. PRÓRROGA DOS CONTRATOS**

	Copia auténtica - Concello de Vigo	Data impresión: 13/04/2020 11:23	Páxina 7 de 10
	Expediente 6446/241	CSV: 2EEDEE-4BAA3H-375788-ZTSKCT-2GXUH7-1E	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Con respecto á prórroga dos contratos é necesario distinguir entre a prórroga dos contratos en execución non suspendidos e os que si o están:

- No caso dos contratos en execución que non se atopen suspendidos consonte ó previsto no artigo 34 do Real Decreto-lei 8/2020, non existe inconveniente en acordar a mesma polo órgano de contratación.
- De atoparse suspendidos, poderá tramitarse á prórroga, previo acordo de levantamento da suspensión, se ben, ata que finalice o estado de alarma é imposible determinar a data de finalización do prazo contractual ou da prórroga en curso, e polo tanto a data de inicio da prórroga. Neste caso o acordo limitarase a aprobar a prórroga, quedando diferido o reaxuste de anualidades á reanudación do prazo en curso cando finalice o estado de alarma. Neste caso os servizos xestores deberán xustificar no expediente as circunstancias concorrentes e solicitar ó levantamento da suspensión.

É preciso por de releve que o RD-Lei 8/2020, regula no artigo 34.1 unha **prórroga excepcional do prazo**, so para os contratos de servizos e subministración de prestación sucesiva. Este precepto permite que ó vencemento do contrato se non se puidera formalizar o novo contrato que garanta a continuidade da prestación, como consecuencia da paralización dos procedementos de contratación derivada da declaración do estado de alarma, poderá aplicarse a prórroga excepcional prevista no artigo 29.4 da LCSP, con independencia da data de publicación da licitación do novo expediente. Dispón este artigo que *“cando no momento do vencemento dun contrato non se formalizou o novo contrato que garanta a continuidade da prestación que debe realizar o contratista como consecuencia de incidencias resultantes de acontecementos imprevisibles para o órgano de contratación producidas no procedemento de adxudicación e existan razóns de interese público para non interromper a prestación, poderase prorrogar o contrato orixinario ata que comece a execución do novo contrato e, en todo caso, por un período máximo de nove meses, sen modificar as restantes condicións do contrato, sempre que o anuncio de licitación do novo contrato se publicase cunha antelación mínima de tres meses respecto da data de finalización do contrato orixinario”*.


-II-

**CELEBRACIÓN DE NOVOS CONTRATOS DURANTE O ESTADO DE ALARMA**

Se durante o estado de alarma xurdisen necesidades que non se poden cubrir cos contratos vixentes que non se atopen suspensos pola normativa que nos ocupa, as mesmas poderían satisfacerse:

- a) Mediante a tramitación dun expediente de contratación ordinario se concorren as circunstancias previstas no apartado 4º da disposición adicional terceira do RD463/2020. Poderá seguirse a tramitación de urxencia de concorrer os requisitos especificados no artigo 119 LCSP.
- b) Mediante a tramitación do expediente de contratación aplicando o procedemento de emerxencia previsto no artigo 120 da LCSP de concorrer os requisitos especificados no mesmo.

Nesta liña, a Xunta de Goberno Local, na sesión extraordinaria e urxente do 13 de marzo de 2020, adoptou o seguinte acordo:

	Copia auténtica - Concello de Vigo	Data impresión: 13/04/2020 11:23	Páxina 8 de 10
	Expediente 6446/241	CSV: 2EEDEE-4BAA3H-375788-ZTSKCT-2GXUH7-1E	
	Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		





*1º.- A adopción de calquera medida, directa ou indirecta, para facer fronte ó coronavirus covid-2019, xustificará a necesidade de actuar de maneira inmediata ó amparo do previsto no artigo 120 da LCSP.*

*2º.- A todos os contratos que se celebren para facer fronte á situación xerada polo coronavirus covid-2019, de acordo coestablecido no punto anterior, aplicaráselles a tramitación de emerxencia”.*

Deste modo garántese a adopción de calquera medida necesaria tanto para continuar coa prestación de servizos como para remediar a crise xerada polo COVID-2019.

-III-

### COMPETENCIA

A competencia para a resolución do presente expediente correspóndelle á Xunta de Goberno Local (apartado 4 da disposición adicional segunda do LCSP), na súa calidade de órgano de contratación.

### ACORDO

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

*1º.- Excepcionar da regra xeral de suspensión dos prazos administrativos polas razóns expostas e continuar coa tramitación das seguintes actuacións e procedementos:*

- *A tramitación interna dos expedientes de contratación.*
- *A emisión de informes de valoración de ofertas solicitados pola Mesa de contratación ós técnicos municipais.*
- *A celebración de sesións pola Mesa de Contratación para garantir a continuación da tramitación dos expedientes de contratación.*
- *A presentación da documentación esixida o primeiro clasificado se as empresas clasificadas manifestan a súa conformidade.*
- *A formalización dos contratos nos que concorran as circunstancias previstas no apartado I.A.3.*
- *Procedementos de modificación de contratos.*
- *Procedementos de cesión de contratos.*
- *Procedementos de resolución dos contratos en execución se media a conformidade do contratista.*
- *Procedementos de prórroga dos contratos.*



2º.- *Naqueles supostos que os procedementos non estean suspendidos conforme ó disposto no apartado 4 da disposición adicional 3º do RD 463/2020, deberá xustificarse esta circunstancia.*

3º.- *Dar traslado do presente acordo ao conxunto das Áreas Delegadas de Goberno municipal, e ós responsables das áreas e servizos municipais para o seu coñecemento e efectos.*

4º.- *Dar publicidade ao presente acordo na Intranet municipal".*

### **Acordo**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,  
Abel Caballero Álvarez.



Copia auténtica - Concello de Vigo

Data impresión: 13/04/2020 11:23

Páxina 10 de 10

Expediente 6446/241

CSV: 2EEDDEE-4BAA3H-375788-ZTSKCT-2GXUH7-1E

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>